

# ԻՐԱԴՐՈՒԹԻՒՆԸ ՀԱՅԱՍՏԱՆԻ ՍԱՀՄԱՆԱՄԵՐԶ ՇՐՋԱՆՆԵՐՈՒՄ

**Մեղրի.** - Արդէն յայտնի էր մի քանի օր առաջ Մեղրու շրջանի իշխանութեան, իրաւապահ մարմինների եւ Նիւվաղի ազերիաբնակ գիւղի ղեկավարների հանդիպման մասին, ինչպէս նաեւ այն մասին, որ վերջիններս ընդհանուր ժողովում որոշում են կայացրել: Այժմ յայտնի են դարձել այդ որոշման կետերը.

- Մեղրու շրջանի եւ Նիւվաղի գիւղի ղեկավարների հանդիպումներկիսօտութիւնը առաջարկում է տեղափոխել Հայաստանում կատարուելիք Սեպտեմբերի 21ի հանրաքուէից յետոյ:

- Եթէ Հայաստանի Հանրապետութիւնը մնայ միութեան կազմում, Նիւվաղին նոյնպէս Հայաստանի հետ կը մնայ միութեան կազմում:

- Եթէ Հայաստանի Հանրապետութիւնը դուրս կը գայ միութիւնից, ապա Նիւվաղեցիները կ'նարեն միութեան կազմում, մէկ այլ տեղ:

Ահա այդպիսի մի որոշում անորոշ եզրանյանսգմամբ, որն անելի շատ վերջնագիր է յիշեցնում: Ահա մեր անվճռականութեան եւ

սեփական տարածքին տէր կանգնելու անկարողութեան եւս մէկ փաստ:

**Կապան.** - Ադրբեջանական Ախքենդ գիւղի կողմից վերջին շրջանում մշտապէս կրկնուող հրաձգութիւնը Յուլիսի 21ի գիշերը պատասխան ստացաւ: Դրա անմիջական արդիւնքը եղաւ այն, որ Կապան-Շիշկերտ ճանապարհին (երկու հանրապետութիւնների սահմանամերձ), պարբերաբար յայտնուում է քաղաքացիական տրանսպորտի անակնկալ ստուգումներ են կատարում 4րդ բաւակի եւ ՕՍԾՆականների պահակախմբերը:

Անհանգստութիւն է նկատուում նաեւ Կապանում տեղակայուած զինուորական ստորաբաժանումներում: Անկայուն վիճակի մասին են վկայում զինուորների փախուստները ծառայութեան վայրից: Մի քանի օրուայ ընթացքում արդէն հինգ փախուստ է եղել Դաւիթ Բէկ եւ Եղվարդ գիւղերի մօտ տեղակայուած զօրամասերից:

Յիշեցնենք, որ վերջերս երկու կողմերի միջեւ բանակցութիւնների պայմանաւորուածութիւն էր

ձեռք բերուել: Պայմանաւորուած օրը, Յուլիսի 22ին ադրբեջանական կողմը չներկայացաւ բանակցութիւններին, իսկ կէսօրից յետոյ 4րդ բանակի կողմից վերսկսուեց Կապանի հրետանային ռմբակոծութիւնը:

Այսօրուանից, զինուորական հրամանատարութեան համաձայնութեամբ, Ղազանչի գիւղի մօտ ստեղծուել է ուղեկալ՝ երեք տանկերի հսկողութեամբ:

**Գորիս.** - Արդէն մի քանի գիշեր է ատոմատային եւ հրետանային մասսայական կրակոցների եւ ռմբակոծութիւնների են ենթարկում Գորիսի շրջանի բոլոր սահմանամերձ գիւղերը: Ըստ երեւոյթին ազերիները ինչ-որ նպատակներ հետապնդելով փոխել են իրենց մարտավարութիւնը, իսկ մեր սահմանների պաշտպանութիւնն ստանձնած 7րդ բանակը -ստոյիկեան համբերութիւն- է ցուցաբերում իր -նախանձեղի անտարբերութեամբ-:

Խոշոր տրամաչափի արկերի պայթիւններից տուժել են Կոռնի-

ձոր, Ռնածախ, Ռնձորեսկ, Տեղ գիւղերի արօտավայրերը, դաշտերը: Արկեր պայթել են տնամերձ այգիներում եւ բնակելի տների կրտուրների վրայ: Բարեբախտաբար զոհեր չկան:

Կոռնիձորում, առանձնատներից մէկի տնամերձ այգում, մօտ 2,5 մետր խորութեամբ, հողի մէջ է մխրճուել մի արկ, որը սակայն չի պայթել եւ շարունակում է մեծ վտանգ ներկայացնել:

Յուլիսի 20ին Երեւանից Գորիս են ժամանել համապատասխան մասնագէտներ արկը վնասազերծելու նպատակով:

Մի քանի օր առաջ յայտնի էր դարձել Կոռայկի ամառային արօտավայրերում կատարուած ազերիների աւազակային յարձակման մասին, որի ժամանակ ըսպանուել էին երկու հովիւներ՝ 1936 թուականի ծնուած Գաւրուշա Սիմոնեանը եւ 1941 թուականի ծնուած Միշա Գիւմլուդեանը, առեւանգուել եւ Քելբաքար է տարուել 1600 գրուխ ոչխար: